



**OPĆINA Kakanj**

**-Općinsko vijeće  
-Načelnik Općine**

**Ul. Branilaca,  
KAKANJ 72240**

Zenica, 18.1.2022. godine

Vaš znak:

Bosna i Hercegovina  
FEDERACIJA BOSNE I HERCEGOVINE  
Naš znak: 04-14-10460-1/21  
ZENIČKO-DOBOJSKI KANTON  
OPĆINA KAKANJ

STRUČNA SLUŽBA ZA POSLOVE OPĆINSKOG VIJEĆA

**PREDMET: ZAHTJEV ZA IZDAVANJE SAGLASNOSTI  
DODJELU KONCESIJE, traži se**

Org. jed.	Broj	Prilog	Vrijednost
05/1-	41	1/22	

Poštovani,

Ministarstvu za privredu Zeničko-dobojskog kantona 19.03.2021.godine obratio se Koncesionar Eastern Mining d.o.o sa zahtjevom za proširenje koncesionog prostora za istraživanje i eksploataciju olova, cinka i barita sa pratećim plemenitim metalima na ležištima Borovica Zapad, Rupice Istok, Smreka, Droškovac, Veovača Istok i Brana Jalovište (Bukovača), općina Vareš.

Ministarstvo za privredu Zeničko-dobojskog kantona 19.04.2021.godine uputilo je zahtjev za dopunu podneska, broj: 04-14-03497-1/21 kojim je traženo da se zahtjev dopuni, odnosno da se površine prikazane Studijom koriguju i usklade sa površinama definisanim u elaboratima.

Dana 05.05.2021.godine Eastern Mining d.o.o je dostavio Studiju i geodetske elaborate po zahtjevu za dopunu podneska.

Obzirom da se navedim zahtjevom, jedan dio površine nalazio u općini Kakanj, Eastern Mining je dostavio odvojene zahtjeve za dodjelu koncesije za istraživanje i eksploataciju olova, cinka i barita sa pratećim plemenitim metalima na prostorima općina Vareš i općine Kakanj

Dana 11.11.2021.godine u Ministarstvu za privredu Zeničko-dobojskog kantona, pod brojem: 04-14-10460/21 dostavljen je izmijenjeni zahtjev za dodjelu koncesije za istraživanje i eksploataciju olova, cinka i barita sa pratećim plemenitim metalima na ležištu Lipnica, općina Kakanj.

Dostavljen je geodetski elaborat za ležište Lipnica, općina Kakanj i dva primjerka Studije ekonomske opravdanosti.

Obzirom na kompleksnost postupka dodjele koncesije za istraživanje i eksploataciju i važeće propise, Saglasnost Općinskog vijeća je osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenje i korišćenje prostora na kome se realizira koncesioni projekat).

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama ("Službene novine Federacije Bosne i Hercegovine", broj: 61/06 i članom 8. Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03), molimo Vas da u pripremi donošenja Saglasnosti, općinske službe posebnu pažnju obrate na slijedeće:

- stanje i status zemljišta (istražno-eksploatacionog polja) u zemljišnim knjigama i katastru sa vlasničkom strukturom.

- stanje i status zemljišta (istražno-eksploatacionog polja) u Prostornom planu općine tj. da li se uklapa ili ne u isti,
- stanje i status zemljišta (istražno-eksploatacionog polja) sa aspekta zaštite historijskog i kulturnog naslijeđa, odnosno postojanja takvih objekata.
- stanje i status zemljišta (istražno-eksploatacionog polja) sa aspekta sanitarne zaštite izvorišta voda koje se koriste ili su planirana da se koriste za piće,
- stanje i status zemljišta (istražno-eksploatacionog polja) sa aspekta postojanja ili planiranja gradnje vodoprivrednih objekata za snabdjevanje naselja vodom (rezervoari, cjevovodi i dr.).

Saglasnost treba da sadrži:

- odgovore na pitanja vezana za status zemljišta (istražno-eksploatacionog polja) u zemljišnim knjigama i katastru i prihvatljivost koncesionog projekta,
- prelomne tačke sa koordinatama istražno eksploatacionog prostora sa naznačenom površinom, pobrojane i upisane sve parcela (k.č. broj) koje se nalaze djelimično ili cijelom svojom površinom unutar zahtjevanog prostora za proširenje.

Istovremeno treba imati na umu da će, u slučaju pozitivnog stava Vijeća i provedenog postupka dodjele koncesijena pomenutom lokalitetu, koncesionar imati obavezu ishodovanja svih relevantnih dozvola za istraživanje i eksploataciju u istražno-eksploatacijskom polju, nakon ostvarivanja prava služnosti, odnosno potpisivanja koncesionog ugovora.

U prilogu Vam dostavljamo Studiju o ekonomskoj opravdanosti za dodjelu koncesije za istraživanje i eksploataciju olova, cinka i barita sa pratećim plemenitim metalima na ležištu Lipnica, općina Kakanj. Kod sagledavanja stanja i statusa zemljišta kao i koncesionog projekta (istražno-eksploatacionog polja, odnosno istraživanja i eksploatacije olova, cinka, barita i pratećih minerala), bitno je imati na umu slijedeće činjenice:

- Tehnološki opis projekta,
- Opis lokacije,
- Uticaj projekta na zaštitu okoline.

Obzirom, na kompleksnost ovog koncesionog projekta, u slučaju potrebe za dodatnim informacijama i pojašnjenjima Studije u fazi pripreme i davanja Saglasnosti Općinskog vijeća, molimo Vas da se obratite privrednom društvu "Eastern Mining" d.o.o.

S poštovanjem,

Obrađivač akta:

Kemal Bjelić

PRILOG:

- Studija o ekonomskoj opravdanosti za dodjelu koncesije za istraživanje i eksploataciju olova, cinka i barita sa pratećim plemenitim metalima na ležištu Lipnica, općina Kakanj,
- Geodetski elaborat.

Dostavljeno:

1x Naslovu

1x "Eastern Mining" d.o.o.

1x a/a

